



**IN FONDACIJA**  
FONDACIJA ZA UNAPREĐENJE SOCIJALNE  
INKLUZIJE DJECE I MLADIH U BiH

IN fondacija  
Fondacija za unapređenje socijalne inkluzije  
djece i mladih u BiH

P.P.45  
78102 Banja-Luka  
Phone: +387 51- 464 460  
Email: info@infondacija.org

Za: Ministarstvo pravde BiH  
Trg BiH br.1  
Sarajevo  
Tel. 033 281 580

REF.NO: BiH 49-2020  
DATUM: 09.03.2020.

Predmet: Godišnji izvještaj IN fondacije

Poštovani,

dostavljamo vam godišnji finansijski izvještaj IN Fondacije, fondacije za unapređenje socijalne inkluzije djece i mladih u BiH, za 2019. godinu u skladu sa zakonskim odredbama.

IN fondacija, fondacija za unapređenje socijalne inkluzije djece i mladih u BiH, upisana je u Registar fondacija kod Ministarstva pravde BiH pod brojem: UP08-07-3-487/09, dana 15.07.2009.godine.

Shodno izmjenama i dopunama Zakona o udruženjima i fondacijama Bosne i Hercegovine (Službeni glasnik BiH, broj 94/16) u obavezi smo da godišnji finansijski izvještaj dostavljamo i Ministarstvu pravde BiH.

U prilogu šaljem:

- Godišnji finansijski izvještaj IN fondacije za 2019. godinu.

Ujedno, u ime IN fondacije (u daljem tekstu INF), ovim putem obavještavam vas ukratko da su aktivnosti koje je INF implementirao tokom 2019. godine:

- U martu mjesecu 2019.godine IN fondacija je otvorila Centar za podršku djeci i porodici Gnijezdo u Karanovcu zahvaljujući saradnji IN fondacije sa organizacijom World Vision. Centar je opremljen muzičkim instrumentima zahvaljujući podršci Ambasade Savezne Republike Njemačke u BiH, u junu i julu 2019. su održavane radionice zdravih životnih navika sa djecom u Centru u Karanovcu zahvaljujući saradnji IN fondacije sa organizacijom World Vision. Uz finansijsku podršku Grada Banjaluka IN fondacija je u Centru Gnijezdo u Karanovcu u periodu od 1. juna 2019. – 31.12.2019. godine provodila aktivnosti na projektu „Rastimo sretno i zdravo“.
- U partnerstvu sa organizacijom Zdravo da ste iz Banja Luke uz finansijsku podršku Grada Banja Luka (Reload sredstva) otvoren je centar za djecu u Dragočaju.

381

POSNA I HERCEGOVINA  
MINISTARSTVO PRAVDE  
SARAJEVO

EVIDENČNI BROJ:		11-03-2020	
Broj predmeta	Klasifikaciona oznaka	Radni broj	God. broj predmeta
09-07-32			

Ju



- U septembru 2019. godine IN fondacija je započela aktivnosti na projektu „Mladi kao snaga promjene“, projekat je započeo početkom septembra 2019. zahvaljujući podršci programa Bosnia and Herzegovina Resilience Initiative (BHRI) koji sprovodi Međunarodna organizacija za migracije (IOM), uz finansijsku podršku Američke agencije za međunarodni razvoj (USAID).

Projekat „Mladi kao snaga promjene“ je trajao šest mjeseci, tačnije od 9.9.2019 – 9.3.2020. godine. Cilj projekta „Mladi kao snaga promjene“ je da unaprijedi kapacitete mladih koji žive na području opština Čelinac i Prnjavor da se aktivnije uključe u sve aktivnosti u svojim zajednicama kako bi gradili pravednije, tolerantnije i inkluzivnije okruženje za sve članove svojih zajednica. Mladi uzrasta od 15-24 godine su imali priliku da prođu ciklus radionica i tako steknu nova znanja i vještine za pripremu prijedloga projekta. Nakon obuke mladi su pisali projekte, komisija IN fondacije je ocijenila sve pristigle projekte i odobrila deset najboljih projekata koji su dobili podršku za svoje inicijative u zajednicama, koristeći novostečeno znanje i vještine za aktivizam, društvenu koheziju i raznolikost u interakciji sa svojim vršnjacima i članovima zajednica u kojima žive.

U sklopu projekta ispitivali smo mišljenje mladih, njima važnih odraslih i predstavnika insitucija o uzrocima, posljedicama i mogućim rješenjima vezanim za pasivnost mladih i njihovo aktivnije učešće u životu zajednica u kojima žive. U tu svrhu organizovali smo osam fokus grupa s cilljem unapređenje aktivizma mladih u odabranim, manjim lokalnim zajednicama širom BiH. Kao rezultat tog procesa izradili smo dokument s preporukama kako unaprijediti poziciju mladih u opštinama Čelinac i Prnjavor (Preporuke <https://docdro.id/94sRip2>).

- Uz finansijsku podršku UNICEF-a u BiH, IN fondacija je započela dva projekta u 2018. godini, oba projekta su okončana u 2019.

- Prvi projekat u okviru programa „Dijalog za budućnost“ - projekat pod nazivom „Aktivni i ravnopravni u svojim zajednicama“ u periodu od 25.12.2018. do 15.10.2019. Krajnji cilj projekta je bio osnaživanje i aktiviranje mladih u prevenciji rodno zasnovanog nasilja kako bi novostečeno znanje i vještine mogli dalje da koriste u budućnosti kroz aktivizam, u interakciji sa svojim vršnjacima i drugim članovima zajednica gdje žive. Korisnici ovog projekta su bili mladi uzrasta od 15 do 21 godinu koji pripadaju svim etničkim grupama u BiH, oba pola, bez obzira na njihovu vjersku pripadnost i porijeklo iz 7 opština iz cijele BiH koje su grupisane u dvije grupe lokalnih zajednica: Tuzla (FBiH), Bijeljina (RS), Brčko (distrikt Brčko) i Doboj (RS), Usora (FBiH), Doboj Istok (FBiH) i Tešanj (FBiH).

- Drugi projekat pod nazivom „Modeliranje Porodične grupne konferencije u obrazovnom sistemu i sistemu dječije zaštite u RS“ u periodu od 01.09.2018. godine do 31.08.2019. Nakon što je kreiran Priručnik za potrebe provođenja standardizacije modela Porodične grupne konferencije, po okončanju aktivnosti nakon provedenih 50 Porodičnih grupnih konferencija IN fondacija je u oktobru 2019. godine u okviru projekta „Modeliranje Porodične grupne konferencije u obrazovnom sistemu i sistemu dječije zaštite u RS“, dobila produžetak ovog projekta i nastavak saradnje sa kancelarijom UNICEFa u BiH na još godinu dana u okviru projekta „Uvođenje Porodične grupne konferencije u sistem dječije zaštite u RS i Kanton Tuzla“ u periodu od 01.10.2019. godine do 30.09.2020.

Porodična grupna konferencija (skraćeno PGK) u obrazovno-vaspitnom sistemu u Bosni i Hercegovini. Porodična grupna konferencija predstavlja savremeni međunarodni model koji se uspješno primjenjuje u radu sa djecom, mladima i porodicama u riziku. Kroz model porodičnog okupljanja, podrške i pomoći svoje socijalne mreže, porodica aktivira vlastite snage za rješavanje i prevazilaženje životnih izazova i problema sa kojima se susreće. U Bosni i Hercegovini model porodične grupne konferencije primjenjuje se od 2011. godine, u okviru sistema dječije i socijalne zaštite, prvenstveno u radu sa djecom, mladima i porodicama koji su korisnici centara za socijalni rad. Organizovano je gotovo 300 konferencija na kojem je učestvovalo preko hiljadu djece, mladih, roditelja i predstavnika njihovih porodičnih i socijalnih mreža, što je potvrdilo efikasnost i primjenjivost pomenutog modela.

Cilj projekta je edukovati 340 članova školskog osoblja za primjenu modela porodične grupne konferencije u obrazovnom sistemu kako bi unaprijedili dječju zaštitu. Projekat ima za cilj da pruži podršku školskom osoblju u primjeni samog modela u njihovom radu s djecom i roditeljima. U ovoj školskoj godini u projekat je do sada uključeno 45 osnovnih i 6 srednjih škola iz Republike Srpske, kao i 9 osnovnih škola iz Tuzlanskog kantona, čiji su predstavnici prošli edukaciju. U narednom periodu planirana je dodatna edukacija za novi broj škola koje do sada nisu prošle treninge,